

## Sämmiliih kirhoost -haahâ finnij ruttâdem kirholâščuákkimist

Suomâ evanġellâš-luuteerlii kirho kirholâščuákkim lii tuhhiittâm vuávám, mast kirho já sämmilij koskâsâš tuotâvuotâ- já sovâdâttâmprosesân lahtojeijee haahân väriduvvoo 90 000 euro meriruttâ ivvijd 2023 já 2024, ohtsis 180 000 eurod. Haavâ nommân láá vuávám Sämmiliih kirhoost, Sä'mmla ceerkvest, Sâpmelaččat girkus, Saamelaiset kirkossa.

Kirholâščuákkim meriruttâ máhđulist haavâ, mii lii jiečânâs já sierâ staatâ já sämmilij koskâsii tuotâvuotâ- já sovâdâttâmkomissiost, mii asâttui 28.10.2021. Kirho haahâ juátká ton pargo luándulâš uassin, mon Suomâ evanġellâš-luuteerlâš kirkko lii porgâm iivij mielđ sämmilij sehe sâmikielâi já sämmilii kulttuur sajaduv nanodem oovdân.

Meriruudâ mielđ sämipappâ Mari Valjakka juátká pargo haavâst iivij 2023-2024 ääigi projektist västideijee pargen. Lasseen haavâ toorjân tuáimâ sierâ stivrimjuávkku.

Meiddei Oulu pispekode pispe Jukka Keskitalo tuárju haavâ já juátká náv't tuotâvuodâ já sovâdâttâm pyerrin porgum pargo, mon suu oovdâstjottee pispe Samuel Salmi algâttij pividemáin kirho porgâm puástuvuodâid addâgâs sämmilijn Anarist ive 2012. Sárnistis pispe Salmi čujottij talle kirho roolin nâliopâlijn tutkâmušâin.

Prosesist tiäduttuvvoo siälutipšoo porgâmvyehi sehe keččâmkuávlun, mii haavâst kočoduvvoo "jäviltääsi" keččâmkuávlun. Tain valdâluvvo tot, ete haavâst halijdeh teivâdid sämmilij ohtâgâs, ovtâskâs olmožin já siärvusin sämmilij päikkikuávlust já kaavpugijn sehe faallâđ torvolii vuáđu kiedâvuššâđ kiirkon, ooskon já oskoldâhân lahtojeijee rašes fáádâid-uv. Proosees haalijđ faallâđ lasseen máhđulâšvuodâ jyehid oovtâst meiddei puoh tom pyere, maid ulmuuh láá feerim servikode toimâi peht.

Haahâ olâšuttoo pispečuákkim kanslia já Oulu pispekode ohtsâšpargon. Tâäl tuhhiittum meriruttâ väridui pispečuákkim kanslia budjetarvâlusân.

Pispečuákkim valdučâllee Kari Kopperi mielđ haahâ aalgât uđđâ mudo sämmilij já kirho koskâvuodâst. Mittomeerrin lii ávus já mielđ pyehtee proosees, mon aalgâtdijn iä vala tieđe, maid puátusijđ tain finnee.

### **Lasetiäđuh:**

Pispečuákkim kanslia valdučâllee Kari Kopperi, kari.kopperi@evl.fi, p. 050 5941317

Sämmiliih kirhoost -haavâ proojeektčâllee Mari Valjakka, mari.valjakka@evl.fi, p. 040 1833460